



СЭЛЭНГЭ АЙМАГ
ОРХОНТУУЛ СУМЫН
ИРГЭДИЙН ТӨЛӨӨЛӨГЧДИЙН ХУРЛЫН
ТЭРГҮҮЛЭГЧДИЙН ТОГТООЛ

2017 оны 03 сарын 15 өдөр

Дугаар 08

Баянцогт

Г
Багийн Иргэдийн Нийтийн Хурлын дарга
нарт урамшуулал олгох журмыг шинэчлэн
батлах тухай

Сумын иргэдийн Төлөөлөгчдийн Хурлын 2017 оны ажлын төлөвлөгөөний
2.5 дахь хэсэг заасныг үндэслэн сумын иргэдийн Төлөөлөгчдийн Хурлын
Тэргүүлэгчдээс ТОГТООХ нь:

1. Багийн Иргэдийн Нийтийн Хурлын дарга нарт урамшуулал олгоход баримтлах журмыг шинэчлэн хавсралтаар баталсугай.
2. Энэхүү тогтоол батлагдсанаар сумын ИТХ-ын Тэргүүлэгчдийн 2009 оны 04 дүгээр сарын 20-ны өдрийн 24 тоот тогтоолыг хүчингүй болсонд тооцсугай.
3. Багийн Иргэдийн Нийтийн Хурлын дарга нарт урамшуулал олгоходоо энэхүү журмыг үндэслэн үр дүнг тооцон олгож байхыг сумын ИТХ-ын төсвийн шууд захирагч О.Мөнхцэцэгт зөвшөөрсүгэй.



БАГИЙН ИРГЭДИЙН НИЙТИЙН ХУРЛЫН ДАРГА НАРТ УРАМШУУЛАЛ ОЛГОХ ЖУРАМ

Нэг. Нийтлэг үндэслэл

1.1. Нутгийн өөрөө удирдах байгууллагын анхан шатны нэгж болох багийн Иргэдийн Нийтийн Хурлын үйл ажиллагааг сайжруулах, төлөвшүүлэх, чадавхийг бэхжүүлэхэд энэхүү журмын зорилго оршино.

1.2. Монгол Улсын Засаг Захиргаа нутаг дэвсгэрийн нэгж түүний удирдлагын тухай хуулийн 38 дугаар зүйлийн 38.6 дахь хэсэгт “Баг, хорооны Хурлын даргад тухайн шатны Засаг даргын үндсэн цалингийн 30 хувьтай тэнцэх урамшуулал сар тутам олгоно” хэмээн заасны дагуу Багийн Иргэдийн Нийтийн Хурлын дарга нарт урамшуулал олгоход энэхүү журмыг баримтална.

Хоёр. Хурлын дарга нарын ажлыг дүгнэх шалгуур үзүүлэлт

2.1. МУЗЗНДНТУХуулийн 23.2 дахь хэсэгт заасны дагуу багийн ИНХ-ын хуралдааныг жилд 3-оос доошгүй зохион байгуулсан байх,

2.2. Багийн ИНХ-ын хуралдаан, Тэргүүлэгчдийн хуралдааныг зохион байгуулсан байдал болон гарсан шийдвэр, үйл ажиллагааг иргэдэд танилцуулан хэрэгжүүлж үр дүнд хүрсэн байх,

2.3. Тухайн жилийн төлөвлөгөө болон түүний биелэлт, эхний хагас жилийн ажлын тайлан мэдээг жил бүрийн 6-р сарын 20 болон жилийн эцсийн тайлан мэдээг 12-р сарын 10-ны өдрийн дотор сумын ИТХ-ын ажлын албанд ирүүлсэн байх,

2.4. Багийн ИНХ-ын хуралдааны болон Тэргүүлэгчдийн хуралдааны тогтоол, тэмдэглэл, холбогдох бусад материалыг тухай бүр үдэж хавтаслан архивын нэгж үүсгэн сумын Архивт хүлээлгэн өгсөн байх,

2.5. Хурлын үйл ажиллагаанд иргэдийг татан оролцуулж, тэдний хэрэгцээ шаардлагад нийцсэн, идэвх санаачлагыг өрнүүлсэн олон ажил арга хэмжээ, бүтээлч үйл ажиллагааг хэрэгжүүлэх уриалга гарган ажиллаж үр дүнд хүрсэн байх,

2.6. Гүйцэтгэх засаглалын төлөөлөгч Багийн Засаг даргатай сайтар хамтарч ажиллан тэдний ажилд чиглэл өгч, ажлын тайлан мэдээг хагас жил тутам сонсож үнэлэлт дүгнэлт өгч хэвшсэн байх,

2.7. Хурлын шийдвэр, аливаа үйл ажиллагааг мэдээллийн самбар болон цахим хэлбэрээр иргэд олон нийтэд сурталчилж, тэдний санал хүсэлтийг байнга сонсож, үйл ажиллагаандаа тусган хэрэгжүүлэн эргэх холбоотой ажилласан байх

2.8. Дээд шатны байгууллагуудаас ирүүлсэн шийдвэр, үүрэг даалгаврыг цаг тухай бүрт нь хэрэгжүүлж, хариуг хугацаанд нь өгсөн байх,

2.9. Үйлчлэх хүрээний нутаг дэвсгэр дэх ААН, албан байгууллага, төрийн албан тушаалтнуудтай нягт уялдаа холбоотой ажилладаг байх,

2.10. Энэхүү сонгуульт албан тушаалыг эрхлэхэд шаардагдах хууль эрх зүй, онол практикийн аливаа сургалт зөвлөгөөнд өөрийн санаачлагаар хамрагдаж, мэдлэг, мэдээллээ байнга дээшлүүлж байх.

Гурав. Ажлыг дүгнэж, урамшуулал олгох

3.1. Сумын ИТХ-ын ажлын албанаас хагас жил тутам дээрх шалгуур үзүүлэлтийг тоон үнэлгээнд шилжүүлэн үзүүлэлт тус бүрт 10 оноо нийт 100 оноог 100% хэмээн үзэж, авсан хувиар нь урамшууллыг олгох шийдвэр гаргуулахаар сумын ИТХ-ын Тэргүүлэгчдийн хуралдаанд танилцуулна.

3.2. Шийдвэрийг үндэслэн дараа сарын урамшууллаас журмын дагуу хасч, хэмнэлтийг жилийн эцэст сайн ажилласан Багийн ИНХ-ын даргыг шагнаж урамшуулах ажилд зарцуулна.

_____oOo_____